

Bisha mbeti á Polo sú fœ azu Koriti Tshatshu o'o

Asœke kœdœe bisha mbeti á Polo sú fœ ayindœe Ndjaba 6a lœ Koriti. Angata Ayuda na ga lœ Koriti yé œ yi lima sœ œerœ á sœ kpi tœ Ɔtsho O'o á Polo yi lima sœ nœ utshunœ. Endje sœ lima ndje kœpa adœke Polo dœdœe adja ayi avwa nœ Kristu nene. O'o endje ndi lima Ɔtsho anga ayindœe Kristu yé á Polo yi lima kœna ga zœ.

Ba la bisha mbœetinœ asœke, Polo pandœe ádá á tshe nana kœwu endje nene. Tshe ma ndje fœ endje adœke œene kœdœe adja ayi avwa nœ Kristu mbœerœ á œene kœsœ lœ kœmœ, Ndjaba sœ kœma gbogbo nœ ye fœ œene. Tshe pa fœ endje adœke œene gbe kœngbœatœ œene bale dœe ayindœe Ndjaba 6a lœ Koriti, ataa endje shi gbi lœ kœngbœa œerœ mbœerœ kœti kane ayindœe Ndjaba 6a lœ Yerusaleme. Ga panœ, œene gbe má kœna mbœerœ kœpa adjapu fœ endjeneke á endje kakatœ kœmbœerœ ekperœ nene asœmœ.

Polo sœ kœpa adœke œene kœdœe adja ayi avwa mbœerœ tshe yi lima ndœe nœ adœke azu wusœ Ɔtsho O'o yé œ wusœ nœ ndje adœke Yisu kœdœe Gbozu.

Mbetinœ kurutshelœtœ ye atake:

- Polo bala endje yé œ gi mershe fœ Ndjaba (1.1-11)
- Akwa nœ aayi avwa 6a ndœe ayindœe Ndjaba (1.12-2.17)

- Koeyindœ anga azœ 6a ta á Kristu yindœ azœ (3.1-7.16)
- Koeti kane aayi oyo (8.1-9.15)
- Polo pa adœke œene koedœ adja ayi avwa (10.1-13.10)
- Ndœngœ abala (13.11-13)

Abala

¹ Œmœ Polo, Ndjaba e mœ lindœ gbetshelœ nœ ye adœke mœ te ayi avwa nœ Yisu Kristu. A'a dœ aya azœ dœ Timote dá su mbetinœ asœke fœ 'e dœ azu Ikrizia nœ Ndjaba 6a lœ Koriti œdœ fœ ayerœ azu nœ Ndjaba kœ 6a lœ ogo Akayi djigi.

² Kaka adœke Aba azœ dœ Ndjaba œdœ Gbozu nœ azœ dœ Yisu Kristu ma œtshœ lœsu ga ndœ 'e yé œ za kœsœ gee fœ 'e.

Polo gi mershe fœ Ndjaba

³ A donga Ndjaba, Aba Gbozu nœ azœ dœ Yisu Kristu, Aba á tshe sœ dœ lœsu nœ kœwu oyo yé á dœ Ndjaba á tshe sœ kœto gbœgbœ fœ azœ dœ mara kœ.

⁴ Tshe sœ kœto gbœgbœ fœ azœ lœ oyo nœ azœ kœ mbœrœ adœke a li kœto ndje gbœgbœ á a gbœ dœ tœ azœ 6a ndœ Ndjaba fœ endjeneke á endje sœ lœ oyo.

⁵ Gbambanœ nene, 6ata á a ngbœtœ azœ awa bale dœ Kristu lœ kœwu œrœ kanga nœ ye asœmœ, Ndjaba œ to ndje egerœ gbœgbœ fœ azœ lœ awa nœ Kristu.

⁶ Yé œdœ 'a kœsœ kœwu oyo, œ sœ mbœrœ adœke 'e gbœ gbœgbœ œdœ kœshe. Œdœ 'a kœgbœ gbœgbœ, œ sœ mbœrœ adœke 'e gbœ gbœgbœ á

mboerœ adœke 'e shi gbi dœ ugu lœsu lœ tshetœ oyo nœ 'a ndje á 'a sœ kœwu tœnœ.

⁷ Ataa, 'a ko lœsu 'a djigi ga pa 'e. Gbambanœ nene, 'a wusœ nœ adœke b̂ata á 'e wu oyo awa bale dœ 'a ascœmœ, Ndjaba œ to ndje gb̂ogb̂o á tshe to ndje fœ 'a ascœmœ fœ 'e.

⁸ Alaya 'a, 'a yindœ nœ adœke 'e wusœ mara oyo á 'a wu b̂a lœ ogo Azi: kikili oyo ro lima pa 'a ye, 'a lili lima kœru lœsu 'a nene yé 'a kpa gbegbe lima adœke 'a sœ dœ soro nene.

⁹ Dœ adjapu, 'a sœ lima kœwu adœke endje wa ogb̂o ngbanga nœ kuzu ga tœ 'a. Œ mboerœtœ ye lima ataa mboerœ á 'a kœzaza lœsu 'a ga tœ 'a dœ tœ 'a nene, kashe kolœ fœ Ndjaba á tshe sœ dœ gb̂ogb̂o kœshe azu lœ kuzu.

¹⁰ Œshe dá she 'a lœ mara kuzu ascœmœ, tshe kpa she 'a bala zœ. Dœ adjapu, 'a ko lœsu 'a ga tœ ye adœke tshe kpa she 'a zœ.

¹¹ E'e ndje, 'e sœ kœti kane 'a ga lafo lœ awa nœ avwala nœ 'e. Ataa, Ndjaba œ ma otsĥo lœsu mangba avwala á azu ndjoro za tœ upu nœ 'a, tshe to bala otsĥorœnœ ascœmœ fœ 'a yé azu ndjoro œ gi bala mershe fœ she tœ upu nœ 'a.

Polo fa gbetshelœ nœ ye lœ ana gene

¹² Œrœ á a sœ kœzatœ azœ dœ yanga tœnœ dœke: b̂ata á lœsu 'a sœ kœma tœnœ, mara kœmboerœtœ 'a pa tshapasĥnœ œdœ mara kœmboerœtœ 'a ga ndœ 'e, 'a sœ kœmboerœ dœ om̂o lœsu œdœ dœ adjapu nœ Ndjaba, 'a mboemboerœ dœ kœwuscœtœ nœ azu nene, kashe 'a mboerœ lœ awa nœ otsĥo lœsu nœ Ndjaba.

¹³ Yé bala mbeti noe 'a, 'a su kolœ œeneke á 'e soe koedi toenœ yé á soe koewusœ ádánœ. Kashe mœ wu adœke 'e wu bala soe ádá œeneke dœ otshonœ,

¹⁴ mbœrœ 'e wu kolœ soe tshakalanœ: 'a dœ bala yanga noe 'e bata e'e ndje, 'e dœ bala œenœ 'a dœ olo koekwa Gbozu Yisu.

¹⁵ Yé lœ koeko lœsu mœ asœmœ, mœ gbe lima kœna ga ndœ 'e utshunœ mbœrœ adœke Ndjaba to bisha otsho lœsu noe ye fœ 'e.

¹⁶ Mœ yi lima ndœ kœna 6a ndœ 'e, manda noe á kœro ga lœ Masedwane. Lœko á mœ katœ Masedwane ti, mœ kwatœ mœ ga ndœ 'e mbœrœ adœke 'e ti kane mœ lœ ana noe mœ ga lœ ogo Yuda.

¹⁷ Lœko á mœ pa fœ 'e adœke mœ mbœrœ ataa, mœ pa o'o bisha lœ ama mœ a? Lœko á mœ koeka ga pa œeneke á mœ yindœ koembœrœ toenœ, mœ soe koembœrœ toenœ bata azu tshapasho dœ koepa pa tshetœ œœœ adœke «œ» œœœ «œœœ» a?

¹⁸ Ndjaba koedœ timu noe mœ tœ œeneke á mœ pa lima fœ 'e, mœ papa fœ 'e «œ» œœœ «œœœ» pa tshetœ œœœ bale nene.

¹⁹ Gbambanœ nene, Yisu Kristu, Gbolo noe Ndjaba á 'a mindœ ye fœ 'e: Silve, Timote œœœ œœœ, papa «œ» œœœ «œœœ» pa tshetœ œœœ bale nene. Kashe, œshe koedœ kolœ «œ».

²⁰ Yé œshe koedœ «œ» á soe kœma œeneke á Ndjaba pa toenœ. Lœ awa noe Yisu Kristu dá 'a soe koepa «Ame» mbœrœ kœza mokœ fœ Ndjaba.

²¹ Yé Ndjaba dœ tœ ye dá soe koetepa azœ dœ 'e ngbiri lœ koengbotœ azœ dœ Kristu. Ndjaba dá soe kœke azœ dœ tœ ye.

²² Tshe ta ambara á soe kœma adœke azœ koedœ agbolo noe ye ga tœ azœ, yé œ to Otsho Ishiri ga lœsu

azœ ɓata ɔtshœrœ á tshe gbɔndœ nœ fœ azœ.

²³ Mœ za Ndjaba tœ timu œdœ mœ kœsœ kœpa wala, tshe wo mœ ye: œ sœ mbœrœ kœgbɔndœ 'e dá mœ wa adœke mœ kwatœ mœ ga lœ Koriti nene.

²⁴ 'A sœsœ kœpara awa kœza œneke á li dœ kœyindœrœ nœ 'e dœ ɔgbɔ fœ 'e nene, kashe 'a gbe ndœ kœte ga ndœ yanga nœ 'e mbœrœ á 'e zatœ 'e dœ ɔtshœnœ lœ kœyindœrœ.

2

¹ Tœ mœ nœ mœ, mœ wa adœke mœ kwatœ mœ ga ndœ 'e mbœrœ á kpa kœza oyo fœ 'e nene.

² Gbambanœ nene, œdœ mœ kœza oyo fœ 'e, ede dá za yanga fœ mœ a? Æ doédœ uzunœ á mœ za oyo fœ she asœmœ nene a?

³ Mbœrœ toenœ ataa dá mœ su mbetinœ asœ fœ 'e kparawa adœke lɔkɔ á mœ kœwuta ɓa zœ, azu á sœ má adœke endje za yanga fœ mœ kœzaza oyo fœ mœ nene. Andaa mœ wusœ 'e kɔ, mœ wusœ nœ adœke œdœ mœ kœsœ dœ yanga, e'e ndje kɔ 'e sœ dœ yanga.

⁴ Lɔkɔ á mœ su mbetinœ asœmœ fœ 'e, mœ sœ lima dœ oyo œdœ dœ gbetshelœ waa œerrr ga tœ iki. Mœ susu mbetinœ mbœrœ kœza oyo fœ 'e nene, kashe mœ su mbœrœ 'e wusœ nœ adœke mœ yindœ 'e kœrosœ nœ.

Kœdjerœndœ ekperœ nœ anga azœ

⁵ Ædœ uzu kœmbœrœ œrœ oyo fœ mœ, œ doédœ kolœ fœ mœ kuti mœ dá tshe mbœrœ fœ mœ nene, kashe mbœrœ 'e kɔ yé a papa tœ œsœ nœ kœropanœ nene.

⁶ Mbœrœ mara uzu ataa, œ li adœke azu ndjoro ugurutoe 'e gbagbara she.

⁷ Mbœrœ toenœ ataa, ngangonœ asœke, œ li adœke 'e ma ɔtshɔ lɔsu yé œ to gbagbɔ fœ she kparawa adœke tshe sœsœ kolœ lœ egerœ oyo waa nene.

⁸ Mœ sœ kœpa fœ 'e adœke, 'e ma kœyindœsho nœ 'e ga ndœ ye.

⁹ Gbambanœ nene, ádánœ á mœ su mbetinœ fœ 'e dœke: mœ yi má ndœ kœwu lɔsu 'e œdœ 'e kœsœ kœmbœrœtœ 'e djigi lindœ o'o ama mœ.

¹⁰ Œdœ 'e kœdjeroendœ ekperœ nœ uzu, mœ djeroœ ndje ndœ nœ ye. Yé œdœ mœ kœdjeroendœ ekperœ nœ ye dœ mara ɓata á mœ mbœrœ asœmœ, mœ mbœrœ mbœrœ 'e ɓa utshu Kristu,

¹¹ mbœrœ adœke Satana kœgbɔgbɔ awa kœfara azœ nene. Gbambanœ nene, a wusœ gbetshelœ nœ ye dœ ɔtshonœ.

Polo ɓa lakpi Trowase

¹² Lɔkɔ á mœ wuta ɓa lœ Trowase mbœrœ kœpandœ ɔtshɔ O'o nœ Kristu, mœ wu adœke Gbozu za lima ɔtshɔ awa á li fœ mœ adœke mœ pandœ nœ.

¹³ Andaa, mœ sœ lima dœ awa waa mbœrœ á mœ gbɔgbɔ lima aya mœ dœ Tito nene. Mœ ka lima tœ azu Trowase ti yé á ro ga lœ Masedwane.

Kœropa koshe mbœrœ Kristu

¹⁴ A donga Ndjaba mbœrœ á tshe gi azœ na toenœ adœke a ropa koshe lœ awa nœ Kristu, yé á sœ kœmbœrœ adœke tshafu yombo nœ kœwusœ ye za osho djigi lœ awa nœ azœ.

¹⁵ Yé azœ koedœ yombo nœ Kristu á tshafunœ ga waa á tshe to fœ Ndjaba mbœrœ endjeneke á endje she œdœ endjeneke á endje sœ lœ djingili.

¹⁶ Mbœrœ anga azu, œtœnœ koedœ tshafu kuzu á sœ kœyi osho ga lœ kuzu; mbœrœ anga endje, œtœnœ koedœ tshafu soro á sœ kœyi osho ga lœ soro. Yé ede dá li kœmbœrœ mara akwanœ ata a?

¹⁷ 'A sœsœ ɓata anga azu á endje za o'o ama Ndjaba tœ kœyœrœ nene, kashe mbœrœ á Ndjaba dá vwa 'a, 'a sœ kœpa dœ adjapu ɓa utshu ye lœ kœngbœtœ 'a awa bale dœ Kristu.

3

Aayi akwa nœ tafo ayo

¹ 'A kpa donga tœ 'a dœ tœ 'a a? Too 'a gbe kœmbœrœ ɓata anga azu adœke 'a ma mbeti á endje donga 'a alance fœ 'e too 'a yœshondœ nœ ɓa ndœ e'e a?

² Mbeti nœ 'a koedœ e'e, mbeti á endje sú ga lœsu 'a á azu kœ wusœ nœ ye á di.

³ Œ sœ adjapu adœke, e'e koedœ mbeti á Kristu su yé 'a sœ kœgbœndœ nœ. Mbetinœ asœmœ, tshe susu dœ tadjá nene kashe tshe su dœ Ishiri nœ Ndjaba nœ soro; tshe susu tœnœ ga pa ndaba tame nene, kashe tshe su ga pa ndaba songba ɓa tœ lœsu 'e.

⁴ 'A sœ kœpa ataa gbambanœ nene, 'a za lœsu 'a ga pa Ndjaba lœ awa nœ Kristu.

⁵ 'A wusœ nœ adœke 'a lili kœmbœrœ ataa dœ gbœgbœ nœ 'a dœ tœ 'a nene, kashe gbœgbœ nœ 'a to ɓa ndœ Ndjaba.

⁶ Œshe dá to gbœgbœ fœ 'a adœke 'a wuta aayi akwa tœ upu nœ kœmindœ tafo ayo. Tafo ayonœ

asœmœ doédœ awa akwa á endje sú nene, kashe Ɔtsho Ishiri dá sœ kœyisœ awa fœ 'a. Awa akwa á endje sú sœ kœyi azu ga lœ kuzu utshu Ndjaba, kashe Ɔtsho Ishiri sœ kœto soro.

⁷ Ndjaba su lima akwa nœ kuzu dœ mbeti ga pa tame yé mokɔ nœ ye sœ lima kœtshi panœ. Tshatshu Moyize sœ lima kœtshi toœnœ dœ mara adœke azu Israyele li kœtondœ ye nene, andaa œndœ kœtshi toœnœ didi lima nene.

⁸ Ataa, akwa neke á Ishiri sœ kœmbœrœ toœnœ œ sœ dœ mokɔ tœpanœ kpuru nene a?

⁹ Yé œdœ akwa á sœ lima kœyi azu ga lœ kuzu kœsœ dœ mokɔ, œneke á sœ kœmbœrœ adœke azu sœ ndjii 6a utshu Ndjaba œ sœ dœ mokɔ tœpanœ kpuru ye!

¹⁰ A li kœpa ndje adœke mokɔ á sœ lima kœtshi toœnœ katshatsha, œ djerœwa 6a utshu mokɔ neke á ropœnœ ngœngœ asœke.

¹¹ Gbambœnœ nene, œdœ œneke á œndœnœ didi lima nene kœsœ dœ mokɔ, œnœ œneke á sœ waa dœ waa œ sœ koto o?

¹² Bata á 'a sœ kœko lœsu 'a ga tœ adja o'onœ asœmœ ataa, 'a yindœ nœ dœ lœsu 'a.

¹³ 'A sœsœ kœmbœrœ 6ata Moyize á tshe za lima siriki tshu ga utshu ye mbœrœ adœke agbolo Israyele kœwuwu mara á kœtshinœ, á œndœnœ didi nene asœmœ, œ yiwa dœ toœnœ nene.

¹⁴ Kashe kœwusœrœ nœ endje sœ lima lœ ubu osho! Yé œerrr ga tœ olo asœke, tshetœ sirikinœ asœmœ sœ zœ lœkɔ á endje kœsœ kœdi buku nœ ongboro ayo. Kolœ lœ awa nœ Kristu dá sirikinœ asœmœ œ yiwa.

¹⁵ Dœ adjapu, œerrr kpesheke nœ asœ, lœkɔ bale

dœ bale á endje kœsœ kœdi buku nœ Moyize, siriki sœ 6a lœsu endje.

¹⁶ Ɛ sœ kolœ lœ awa nœ kœfatshalœsu ga ndœ Gbozu dá sirikinœ œ te.

¹⁷ Gbambanœ nene, Gbozu kœdœ Ishiri. Yé osho á Ishiri nœ Gbozu sœ tœnœ, œtœnœ kœdœ osho á azu dœdœ akanga nene.

¹⁸ Azœ kœ a gi siriki tshatshu azœ ye, a ma mokœ nœ Gbozu. Ataa, a fatœ azœ mbœrœ kœsœ awa bale 6ata Gbozu dœ mokœ á sœ kolœ tœ egerœnœ lœ awa nœ ye á tshe dœ Ishiri.

4

Gbœgbœ nœ azœ to 6a ndœ Ndjaba

¹ Bata á Ndjaba wu oyo 'a yé á za akwanœ asœke fœ 'a, 'a mœmœ lœ œkœ 'a nene.

² 'A vwaratœ 'a tœ œrœ nœ tshula kœ á zatœ endje yiwa tœnœ, 'a sœsœ kœmbœrœ œrœ dœ afara nene yé œ sœsœ ndje kœfatshelœ o'o ama Ndjaba nene. Kashe 'a sœ kœyisœ adjapu ngbi, yé œ sœ kœpara awa adœke azu kœ yindœ 'a 6a utshu Ndjaba.

³ Andaa, œdœ Ɔtshœ O'o á 'a sœ kœmindœ nœ kœsœsœ ngbi nene, œ sœ kolœ mbœrœ azu á endje sœsœ dœ kœyindœrœ nene.

⁴ Endje sœsœ dœ kœyindœrœ nene mbœrœ ndjaba nœ tshapashœ asœke, bu ala endje dœ kœwusœrœ nœ endje ga tœnœ ye. Tshe sœ kœpakata endje adœke endje wu ishiri osho á Ɔtshœ O'o tœ upu nœ mokœ nœ Kristu á tshe dœ ishiri Ndjaba, sœ kœmindœ nœ.

⁵ 'A yiyisœ œrœ tœ 'a dœ tœ 'a nene, kashe á sœ kœyisœ œrœ tœ upu nœ Gbozu Yisu Kristu. Tœ a'a

nœ 'a, 'a sœ kæpa ngbi adœke a'a kœdœ aayi akwa
nœ 'e mangba Yisu.

⁶ Gbambanœ nene, Ndjaba á tshe pa lima
adœke: «Kaka adœke ishiri osho tshi 6a ugurutoe
ubu osho nari!» Æshe dœ tœ ye dá tshi 6a tœ lœsu 'a
mbœrœ kœto kœwusœrœ lœ mokœ nœ ye á matœ
ye 6a tshatshu Kristu.

⁷ Kashe a'a dá Ndjaba za kœgbœrœnœ asœmœ fœ
'a, yé á sœ kœgbœndœ nœ 6a lœ lœsú. 'A sœ kœyisœ
nœ adœke gbœgbœnœ á rosœ nœ asœmœ to 6a ndœ
Ndjaba, kashe œ toto 6a ndœ a'a nene.

⁸ 'A sœ kœwu tshelœ áká oyo ngbangbangba
kashe œ roropa 'a nene; 'a sœ dœ awa tœ lœsu 'a,
kashe 'a gigi lœsu 'a tœ Ndjaba nene.

⁹ Azu mbœrœ œrœ kanga fœ 'a, kashe Ndjaba
kakatœ 'a nene. Endje ko 'a vesho, kashe 'a tshut-
shu nene.

¹⁰ ɔlœ dœ ɔlœ, 'a sœ dœ kœ6a kuzu nœ Yisu lœ ɔkœ
'a mbœrœ adœke soro nœ ye yi ndje tœ ye ga lœ
ɔkœ 'a.

¹¹ Lœ soro nœ 'a djigi, 'a sœ lœma kuzu mangba
Yisu, mbœrœ adœke soro nœ ye li ndje ga lœ undu
'a œnœ kuzu.

¹² Ataa, kuzu sœ kœli dœ akwa ga lœ 'a, kashe 'e
sœ kœgbœ soro.

¹³ Endje sú 6a la Buku nœ Ndjaba adœke: «Mœ
sœ dœ kœyindœrœ mbœrœ tœnœ á mœ pa o'o.»
A'a ndje lœ tshetœ gbetshelœ nœ kœyindœrœ
asœmœ, 'a sœ dœ kœyindœrœ yé mbœrœ tœnœ dá
'a sœ kæpa o'o.

¹⁴ Gbambanœ nene, 'a wusœ nœ adœke Ndjaba
á tshe she Gbozu Yisu lœ akuzu, tshe she ndje azœ
awa bale dœ Yisu yé œ ko 'a dœ 'e ga indiri ye.

¹⁵ Æneke kɔ́ á 'a sœ kœshi gbi læ nœ, œ sœ mbœrœ 'e mbœrœ adœke azu sœ kœli ga panœ ga panœ ga læ ɔtshɔ́ lɔsu nœ Ndjaba. Ataa, azu œ ngba mbœrœ kœgi mershe œdœ mbœrœ kœdonga mokɔ́ nœ Ndjaba.

Soro læ awa nœ kœyindœrœ

¹⁶ Mbœrœ tœnœ ataa, 'a mɔmɔ́ nene. Ataa œdœ soro nœ 'a œnœ azu kœsœ kœmɔ́ tœnœ yima yima, soro nœ 'a œnœ ishiri sœ kœkwa tœnœ ɔlɔ́ dœ ɔlɔ́.

¹⁷ Gbambanœ nene, oyo á 'a sœ kœwu tœnœ manda olo teasho, œ sœ kœguma mokɔ́ neke á sœ waa dœ waa yé á gerœ kœropanœ, fœ azœ.

¹⁸ 'A koko lɔsu 'a nene ga pa œrœ á a wu, kashe 'a ko lɔsu 'a ga pa œneke á a wuwu nene. Gbambanœ nene, œndœ œrœ á a wu didi nene, kashe œndœ œneke á a wuwu nene sœ kœdi tœnœ waa dœ waa.

5

¹ Gbambanœ nene, a wusœ nœ adœke œdœ undu azœ œnœ ɔshɔ́ asœke á sœ ɓata anda tande kœndi, a sœ dœ anga anda á Ndjaba mɔ́ á sœ waa dœ waa ɓa lafo. Æ dœdœ azu dá mɔ́ andanœ asœmœ dœ kane endje nene.

² Ngɔngɔ́ asœke, a sœ kœpuloœma azœ mbœrœ á a sœ dœ egerœ ogo adœke a li ga læ anda œnœ tshalafɔ́.

³ Æ mbœrœtœ endje kolœnœ adœke a sœ dœ lœba tœ azœ yé a sœsœ kpendronœ nene.

⁴ Adjapu, ɓata á a sœpe damba læ anda tandenœ asœmœ, a pulœma zœ ɓata a gbɔ́ upu. Æ sœsœ adœke a yindœ kœ'eatœ azœ tœ ɔkɔ́ azœ œnœ tshapashɔ́ nene, a yindœ kœverœ tafɔ́ ɔkɔ́ azœ

œnœ tshalafo ga panœ mbœrœ adœke œeneke á tshuutshu, fa tœ œeneke á tshu nene.

⁵ Tsheneke á tshe guma azœ mbœrœ tshambatshañœ asœmœ, kœdœ Ndjaba. Tshe za Ishiri nœ ye fœ azœ tœ ndanga nœ ɔtshœrœ á tshe gbøndœ nœ fœ azœ ɓa lafo.

⁶ Mbœrœ tœnœ ataa, a su kolœnœ dœ kœyindœrœ tœ lœsu azœ. A wusœ nœ adœke ɓata á a sœpe damba lœ ɔkœnœ asœke, a sœ ɓa ushu tœ anda nœ azœ, lœ ingirinœ tœ Gbozu.

⁷ Gbambañœ nene, a sœ kœro manda kœyindœrœ kashe œ dœdœ manda œeneke á a sœ kœwu dœ ala azœ nene.

⁸ Adjapu, a su dœ kœyindœrœ tœ lœsu azœ yé a gbe kœkatœ anda œnœ ɔkœ azœ asœke mbœrœ kœna kœsœ ndoo dœ Gbozu.

⁹ Kashe ataa œdœ a kœsœ lœ ɔkœ asœke too a kœgitœ azœ lœnœ, ogo nœ azœ utshunœ kœ kœdœ adœke a za yanga fœ she.

¹⁰ Gbambañœ nene, œ li adœke azœ kœ a na ga utshu Kristu mbœrœ adœke tshe wa ngbanga nœ azœ. Dœ tœnœ ataa, uzu dœ uzu œ gbœ œrœ tshangba œeneke á tshe mbœrœ lœ soro ye ɓa pa ɔshœ, too lœ ɔtshœrœ too lœ ekperœ.

O'o tœ upu nœ kœgi ayo

¹¹ Bata á 'a wusœ mara á li adœke a kpa dœ awa Gbozu asœmœ, 'a sœ kœmbœrœ kœ adœke azu yindœ o'onœ asœmœ. Ndjaba wusœ azœ dœ ɔtshœnœ yé mœ sœ kœgbe adœke ɓa lœ 'e dœ tœ 'e, 'e wu ndje sœ mœ ye.

¹² 'A kpa yiyindœ kœdonga tœ 'a dœ tœ 'a ɓa utshu 'e nene, kashe 'a sœ kœgbe adœke 'e donga tœ 'e mbœrœ 'a. Ataa, á 'e kœwusœ kœgi o'o fœ

azu á endje sœ koedonga tœ endje tœ œeneke á sœ koematœ endje ngbi ga tœ ala azu, kashe á endje wuwusœ œeneke á sœ 6a lœsu uzu nene.

¹³ Æ kœsœ dœ adjapu adœke 'a wuta agbakindi azu, 'a wuta ataa mbœrœ upu nœ Ndjaba. Kashe œ kœsœ adœke 'a wuta azu nœ ɔtshɔ gbetshelœ, 'a wuta ataa mbœrœ 'e.

¹⁴ Gbambancœ nene, kœyindœsho nœ Kristu ropa azœ, yé a wusœ nœ adœke uzu bale tshu tœ upu nœ azu kɔ, azu kɔ tshu dœ she awa bale.

¹⁵ Tshe tshu tœ upu nœ azu kɔ mbœrœ adœke endjeneke á endje sœ dœ soro, kœsœsœ dœ tœncœ mbœrœ endje dœ tœ endje nene, kashe endje sœ dœ tœncœ mbœrœ tsheneke á tshe tshu yé á kwatœ ye ga lœ soro mbœrœ endje.

¹⁶ Mbœrœ tœncœ ataa, kœto kpesheke, 'a kpa wuwusœ uzu bale tœ mara nœ azu nene. Ataa œdœ 'a kœwu lima sœ Kristu 6ata uzu gbœa, ngɔngɔncœ asœke 'a kpa wuwusœ ye atamœ nene.

¹⁷ Ædœ uzu kœngbɔtœ ye bale dœ Kristu, tshe wuta tafo uzu ye: œeneke á dœ ongboro œrœ yiwa ye, kashe tafo œrœ dá sœ zœ.

¹⁸ Ærœ asœmœ kɔ to 6a ndœ Ndjaba. Tshe gi ayo ga ugurutœ azœ dœ she lœ awa nœ Kristu yé œ za akwa nœ kœgi ayo fœ azœ.

¹⁹ Gbambancœ nene, lœ awa nœ Kristu, Ndjaba gi ayo ga ugurutœ ye dœ azu kɔ; tshe gbegbe dœ ekperœ nœ endje nene. Yé tshe za o'o nœ kœgi ayonœ asœmœ fœ azœ.

²⁰ Dœ i'iri Kristu dá 'a dœ aayi avwa, yé Ndjaba dœ tœ ye dá sœ kœ'e 'e lœ awa nœ 'a. 'A sœ kœki fœ 'e dœ i'iri Kristu adœke 'e zatœ 'e ti adœke Ndjaba gi ayo ga ugurutœ 'e dœ she.

²¹ Kristu mboembærcœ lima ekperœ nene, tshe gbɔ œtœncœ mboercœ azœ. Tshe li ga lœ ekperœ nœ ascœmœ mboercœ adœke a kœwuta ndjii tœ ala Ndjaba lœ awa nœ ye.

6

¹ Ataa, ɓata á 'a sœ kœmbœrcœ akwa awa bale dœ Ndjaba, 'a sœ kœki fœ 'e adœke 'e wuwu ɔtshɔ lœsu á tshe ma ga ndœ 'e gbambancœ nene.

² Gbambancœ nene, Ndjaba pa adœke:
«Dœ lœndɔ á mœ sœ lima kœma ɔtshɔ lœsu nœ mœ,
mœ dji lima ɓœ.

Dœ olo nœ kœshe, mœ ti kane zœ ga lafo.»

'E wu ngɔngɔ ascœke lœkɔ á li dœ Ndjaba kœma ɔtshɔ lœsu nœ ye ga ndœ azu dœke. Œtœncœ kœdœ olo kœgbɔ kœshe.

³ 'A yiyindœ kœmbœrcœ œrcœ á li adœke uzu bale te nene mboercœ 'a yiyindœ nœ adœke endje kitœ œsœ akwa nœ 'a nene.

⁴ Kashe 'a sœ kœpara lœ œrcœ kɔ adœke 'a sœ ɓata ɔtshɔ aayi akwa nœ Ndjaba, 'a sœ kœru lœsu 'a lœ œrcœ oyo kɔ tœ lœsu 'a, lœ œrcœ kanga kɔ œdœ lœ œeneke kɔ á sœ kœza lœsu 'a ga lafo.

⁵ Endje ɓi 'a yé œ ko 'a ga lœ kánga, endje tshi azu ga lafo ndœ 'a. 'A mɔ dœ ɔgbɔ akwa, 'a lolo olo yé œ zi œrcœ nene.

⁶ 'A matœ 'a tœ aayi akwa nœ Ndjaba lœ awa nœ œyerœ lœsu 'a, lœ awa nœ kœwusœrcœ nœ 'a, lœ awa nœ ugu lœsu, lœ awa nœ ɔtshɔ ɔtshɔ, lœ awa nœ akwa nœ ɔtshɔ Ishiri, œdœ pe lœ awa nœ adja kœyindœsho nœ 'a.

⁷ 'A matœ 'a tœ aayi akwa nœ Ndjaba lœ awa nœ kœyisœ adja o'o œdœ mangba gbɔgbɔ nœ Ndjaba.

Kowo nœ 'a kœyi dœ koshe œdœ kœkɔ dœ koshe kœdœ kœmbœrœ œeneke á sœ ndjii tœ ala Ndjaba.

⁸ Azu sœ kœlisœ 'a, anga endje sœ kœmɔ 'a. Azu sœ kœpa ekpe o'o tœ upu nœ 'a, anga endje sœ kœpa ɔtshɔ o'o nœ 'a. Azu sœ kœwu 'a ɓata aayi wala andaa 'a sœ kœpa adja o'o.

⁹ Azu sœ kœwu 'a ɓata angbi azu, andaa endje wusœ 'a dœ ɔtshɔnœ. Azu sœ kœwu 'a ɓata a'a kœdœ akuzu, andaa 'a sœ dœ soro. Azu sœ kœza djofele fœ 'a, kashe endje wowo 'a nene.

¹⁰ Azu sœ kœza oyo ga tœ lœsu 'a, andaa 'a sœ kolœ dœ yanga. A'a kœdœ aayi oyo, kashe azu ndjoro te aayi kœgbœrœ mangba 'a. 'A sœ ɓata azu á endje gugu dœ œrœ nene, andaa 'a sœ dœ œrœ kɔ.

¹¹ E'e dœ azu Koriti, 'a pa adja o'o fœ 'e, 'a kœrɔ lœsu 'a tœ egerœnœ fœ 'e.

¹² 'A yindœ 'e waa, kashe e'e dá yiyindœ 'a nene.

¹³ Mbœrœ tœnœ ataa, mœ sœ kœpa fœ 'e ɓata mœ sœ kœpa fœ agbolo nœ mœ adœke, 'e yi ndje ndœ 'a ɓata á 'a yindœ 'e asœmœ yé œ kœrɔ lœsu 'e tœ egerœnœ fœ 'a.

Polo gbota tshelœ utu azu Koriti

¹⁴ Adja 'e ngbœngbœtœ 'e awa bale dœ azu á endje gugu dœ kœyindœrœ ga ndœ Kristu asœmœ nene. Gbambœnœ nene, œrœ á sœ ndjii li kœngbœtœ ye dœ ekperœ ye a? Ingbisho li kœngbœtœ ye dœ ubu osho ye a?

¹⁵ Kristu li kœdjitœ ye dœ djaboro ye a? Too ga panœ, œrœ gadœ dá yindœ Kristu œ gbɔ awa bale dœ uzu á tshe yiyindœ Kristu nene a?

16 Ærœ gade bale dá li kœngbɔɔa Tepelo nœ Ndjaba dœ andjaba nœ angbi azu a? Gbambanœ nene, a'a, 'a kœdœ Tepelo nœ Ndjaba nœ soro ɔata á Ndjaba pa dœ tœ ye adœke:

«Mœ sœ bala yé œ na bala ana ugurutœ endje. Mœ dœ bala Ndjaba nœ endje yé endje dœ bala azu nœ mœ.»

17 Mbœrœ toenœ ataa, Gbozu pa adœke:

«Æ li adœke 'e gitœ 'e tœ endje yé œ sœ kpi.

'E tuturu tœ œrœ uburu nœ endje nene, yé atamœ, mœ yi bala ndœ 'e.

18 Æmœ Gbozu nœ gbɔgbɔ kɔ, mœ pa adœke mœ dœ bala aba 'e, yé 'e dœ ndje bala agbolo yakoshe œdœ ayawuru nœ mœ.»

7

1 E'e dœ anga mœ á mœ yindœ 'e waa, œrœnœ ascœmœ kɔ á Ndjaba pandœ nœ sœ dœ ɔtshœnœ mbœrœ azœ. Mbœrœ toenœ ataa, a vwaratœ azœ tœ œrœ kɔ á mbœrœ adœke ɔkɔ uzu too ishiri uzu sœ dœ uburu. A pa avwara kœsœ adja ayerœ azu lœ kœkpa awa Ndjaba.

Yanga nœ Polo

2 'E kɔrɔ lœsu 'e fœ 'a! 'A mbœmbœrœ ekperœ fœ uzu bale nene, 'a mbœmbœrœ adœke uzu bale te nene, 'a bibili ndje anga uzu bale mbœrœ kœgbɔ œrœ tshaabrœ ye nene.

3 Mœ sœsœ kœpa ataa mbœrœ kœwa ɔgbɔ ng-banga ga tœ 'e nene. Gbambanœ nene, mœ pandœ nœ fœ 'e adœke e'e kœdœ azu á 'e sœ ɔa tœ lœsu 'a, azu á 'a ngbɔtœ 'a bale dœ endje lœ soro too lœ kuzu.

⁴ Mœ za l̥su mœ tœ egerœnœ ga ndœ 'e, mœ donga tœ mœ mbœrœ 'e waa. Lœ oyo nœ 'a k̥ tœ l̥su 'a, mœ sœ kolœ dœ gb̥gb̥ œdœ dœ yanga kœropa nœ.

⁵ Ataa ndje dœ l̥k̥ kœwuta 'a ga lœ ogo Masedwane, 'a yaya lima tœ 'a nene. 'A gb̥ tshelœ aka oyo k̥ tœ l̥su 'a: oyo neke á sœ ɓa shu tœ 'a œdœ awa á sœ ɓa ugurutœ 'a.

⁶ Kashe Ndjaba á tshe sœ kœgi gb̥gb̥ fœ azu neke á endje m̥, to gb̥gb̥ fœ 'a lœ awa nœ kœyi kumu Tito.

⁷ Yé œ dœdœ kolœ mbœrœ kœyi kumu ye asœmœ dá to gb̥gb̥ fœ 'a nene, kashe lœ awa nœ gb̥gb̥ á tshe gb̥ ɓa ndœ 'e. Tshe pandœ egerœ agbe nœ 'e ndœ kpa kœwu mœ, iki nœ 'e œdœ ɔtsh̥ l̥su nœ 'e ga ndœ mœ, fœ 'a ye. Yé mbœrœ tœnœ ataa, mœ kpa sœ dœ yanga kœropanœ.

⁸ Ataa œdœ mbeti á mœ su fœ 'e kœza oyo ga tœ l̥su 'e, mœ gb̥gb̥tshelœ mœ ndœ nœ ng̥ng̥nœ asœke nene. Mœ gbe má tshelœ mœ œdœ mœ kœwu má adœke œndœ oyo á mbetinœ asœmœ za fœ 'e œ di nene.

⁹ Kashe ng̥ng̥nœ asœke mœ sœ dœ yanga; œ dœdœ mbœrœ á za oyo ga tœ l̥su 'e nene, kashe mbœrœ á oyonœ asœmœ mbœrœ adœke 'e fatshal̥su 'e. Ataa 'a mboembœrœ ekperœ bale fœ 'e nene gbaa, oyonœ asœmœ, Ndjaba dá yi lima ndœ nœ.

¹⁰ Gbambanœ nene, oyo tœ l̥su á sœ lindœ gb̥tshelœ nœ Ndjaba sœ kœto tœ kœfatshal̥su uzu á sœ kœgi osho ndœ kœshe dœ mara adœke gb̥tshelœ sœ mbœrœ tœnœ nene. Kashe oyo tœ l̥su á to tœ tshapash̥ asœke, sœ kœza kuzu.

¹¹ Ngəngəncə asəke, 'e wu ərce tshangba oyo tœ ləsu 'e á sœ lindœ gbetshelœ nœ Ndjaba dœke: 'a sœ dœ yanga kœpa o'o tshapa 'e, 'e vwaratœ 'e tœ œneke á ro utshuncœ, 'e sœ kœkpa awa Ndjaba, 'e sœ dœ ogo nœ kpa kœwu mœ, 'e sœ kœzatœ 'e ga tœ akwa yé œ sœ kœza djofele fœ uzu á tshe mbœrcœ lima ekperœ. Kə́kə́ ascœmœ sœ kœma ngbi adœke 'e gugu lima dœ upu lœ o'onœ ascœmœ nene.

¹² Ataa œdœ mœ kœsu lima mbeti asœke fœ 'e, œ sœsœ lima mbœrcœ uzu á tshe mbœrcœ ekperœ nene, œ sœsœ ndje lima mbœrcœ tsheneke á endje mbœrcœ ekperœ fœ she nene. Kashe œ sœ lima mbœrcœ kœma 6a utshu 'e 6a tœ ala Ndjaba adœke ogo nœ 'e ga ndœ 'a sœ tœ egerœncœ.

¹³ Mbœrcœ tœncœ ataa, ərce á 'e mbœrcœ to gbəgbə fœ 'a.

Ɔ dœdœ kolœ mbœrcœ tœncœ nene, kashe 'a sœ dœ yanga kœropa nœ kœwu mara á Tito sœ lima dœ yanga mbœrcœ á 'e mbœrcœ lima adœke ləsu ye sœ ziti.

¹⁴ Ɔdœ mœ kœsœ kœdonga tœ mœ tœ upu nœ 'e 6a utshu ye, œ sœ mbœrcœ á 'e zaza ókó fœ mœ nene. Kashe 6ata o'o kə́ á 'a pa fœ 'e kœdœ adja o'o, awa bale ndje, kœdonga tœ 'a tœ upu nœ 'e 6a utshu Tito wuta ndje adja o'o.

¹⁵ Yé ataa, lə́kə́ á tshe kœsœ kœgbe dœ mara á 'e zatœ 'e fœ she œdœ dœ mara á 'e za osho kœsœ fœ she dœ kœkpa awa ye dopancœ, kœyindœsho nœ ye ga ndœ 'e sœ kœgerœ tœncœ.

¹⁶ Mœ sœ dœ yanga mbœrcœ kœza ləsu mœ djigi á mœ za ga pa 'e.

Kæto æræ dœ l̥su nœ yanga

¹ Alaya, 'a yindœ nœ adœke 'e wusœ mara á Ndjaba ma ɔtshɔ l̥su nœ ye ga ndœ azu Ikrizia 6a lœ ogo Masedwane.

² Lœ oyo ndjoro tœ l̥su endje, endje sœ dœ egerœ yanga. Yé ataa endje sœ lœ egerœ oyo gbaa, endje to ærœ kœrosœ nœ.

³ Œmœ kœdœ timunœ, endje to ærœ lindœ kœgbɔ ærœ nœ endje. Endje to œrrr tɔpanœ kpuru. Endje to ærœnœ lindœ gbetshelœ nœ endje.

⁴ Endje shendœ kœyu 'a adœke 'a za awa fœ œne dœ œne ngbɔtœ œne dœ 'a tœ upu nœ kœvwa ærœ fœ ayindœ Ndjaba 6a lœ ongbo Yerusaleme.

⁵ Endje to ærœ kœrosœ œneke á 'a gbe má adœke endje to. Utshunœ, endje zatœ endje fœ Gbozu, yé manda nœ, endje zatœ endje fœ 'a lindœ ærœ á Ndjaba yindœ nœ.

⁶ Mbœrœ tœnœ ataa, 'a ki fœ Tito adœke tshe na 6a ndœ 'e 6a zœ œ mbœrœ udu akwa nœ ɔtshɔ l̥sunœ asœmœ œrrr ga tœ ndɔngɔlɔnœ, akwanœ á tshe te lima kœmbœrœ tœnœ asœmœ.

⁷ 'E sœsœ dœ oyo ærœ bale nene: kœyindœrœ, kœwusœ kœpa o'o, kœwusœrœ, egerœ ogo kœmbœrœ akwa œdœ pe kœyindœsho á 'a yisœ nœ fœ 'e. Mbœrœ tœnœ ataa, 'a yindœ nœ adœke 'e ma ndje tœ 'e tœ aayi kœgbɔrœ lœ kœto ærœ nœ 'e dœ l̥su nœ yanga.

⁸ Œ dœdœ awa o'o dá mœ sœ kœza fœ 'e nene, kashe mœ kœsœ kœpandœ kœmbœrœ ærœ dœ yanga nœ anga azu fœ 'e, mœ sœ kœza awa fœ 'e adœke 'e tondœ adja kœyindœsho nœ 'e.

⁹ Gbambanœ nene, 'e wusœ ɔtshɔ lɔsu nœ Gbozu nœ azœ dœ Yisu Kristu ye. Ataa tshe dœ lima ayi kœgbɔrœ gbaa, tshe zatœ ye tœ ayi oyo mbœrœ 'e adœke 'e gbɔ œrœ ndjoro lœ oyo nœ œne.

¹⁰ Ataa, mœ sœ kœza gbetshelœ nœ mœ lœ upunœ asœke fœ 'e: œ li dœ 'e adœke 'e mbœrœ kolœ akwa ɓata á 'e mbœrœ lima ungu utshunœ, e'e lima kœdœ azu á 'e gbɔ gbetshelœnœ asœmœ utshunœ œdœ aayi kœmbœrœ tœnœ dœ akwa.

¹¹ Ataa, ngɔngɔ asœke, 'e mbœrœ adœke akwanœ asœmœ ka. 'E mbœrœ akwanœ dœ lɔsu 'e bale adœke œ ka ɓata á 'a pa tœnœ yé dœ tœnœ ataa, lindœ kœgbɔrœ nœ 'e.

¹² Gbambanœ nene, œdœ uzu kœza lɔsu ye bale ga panœ, Ndjaba œ yindœ œrœ nœ uzunœ asœmœ á tshe to dœ kœgbe dœ œrœ á tshe sœ dœ tœnœ, kashe œ dœdœ dœ kœgbe dœ œneke á tshe gugu dœ tœnœ nene.

¹³ Æ sœsœ adœke uzu ko œrœ nœ ye kɔ mbœrœ kœshe dœ anganœ á kpa kœsœ œnœ ye lœ oyo nene, kashe œ li adœke tshe kurutshelœnœ li tœnœ œ li.

¹⁴ Mbœrœ tœnœ ataa, e'e kœdœ aayi kœgbɔrœ yé œ li adœke 'e ti kane endjeneke á endje gugu dœ œrœ nene ga lafo. Manda nœ, œdœ 'e kœgugu dœ œrœ nene yé á endje sœ dœ tœnœ ndjoro, endje li kœti ndje kane 'e ga lafo. Atamœ dá 'e liili,

¹⁵ ɓata á endje sú ɓa la Buku nœ Ndjaba adœke:
«Uzu á tshe rɔ lima rœgo ndjoro, œ ngbangba tshaabrœ ye nene,
yé tsheneke á tshe rɔ lima teasho, sœ dœ œrœ ndjoro.»

Tito œdœ pe anganœ

¹⁶ 'A gi ɔtshɔrɔe fɔe Ndjaba á tshe za egerɔe ogo nɔe kɔembɔerɔe awa bale ɓata á 'a sɔe ndje dɔe tɔenɔe, fɔe Tito adɔeke tshe mbɔerɔe fɔe 'e.

¹⁷ Tito yindɔe kɔeyɔndɔerɔe nɔe 'a. Ga panɔe dɔemɔe, tshe kpa yi lima ndɔe nɔe dɔe tɔe ye adɔeke ɔene na ɓa ndɔe 'e.

¹⁸ 'A vwa she awa bale dɔe anga aya azɔe á azu Ikrizia kɔ sɔe kɔedonga she tɔe upu nɔe kɔeyisɔe ɔtshɔ O'o.

¹⁹ Ga panɔe, azu Ikrizia dá ke she adɔeke tshe ro tɔe awanɔe bale dɔe 'a mbɔerɔe kɔembɔerɔe akwa nɔe ɔtshɔ lɔsu. 'A sɔe kɔembɔerɔe akwanɔe mbɔerɔe mokɔ nɔe Gbozu dɔe tɔe ye ɔedɔe kɔembɔerɔe ɔerɔe dɔe ɔtshɔ gbetshelɔe.

²⁰ 'A sɔe kɔembɔerɔe adɔeke azu gbagbagbara 'a tɔe mara kɔekurutshelɔe ngendja ndjoro á 'a sɔe kɔegbɔndɔe nɔe nene.

²¹ 'A yiyindɔe kɔembɔerɔe kolɔe ɔtshɔrɔe ga tɔe ala Gbozu nene, kashe 'a yi ndje ndɔe kɔembɔerɔe ɓa tɔe ala azu kɔ.

²² 'A vwa azunɔe bisha tɔe awanɔe bale dɔe anga aya azɔe á 'a sɔe kɔewu lɔsu ye ɔlɔ dɔe ɔlɔ, yé tshe sɔe dɔe egerɔe ogo kɔembɔerɔe akwa dɔe ɔtshɔ lɔsu. Kashe ngɔngɔnɔe asɔeke, egerɔe ogo kɔembɔerɔe akwa dɔe ɔtshɔ lɔsu nɔe ye kpa gerɔe kɔerosɔe nɔe. Gbambanɔe nene, tshe ma ɔtshɔ lɔsu nɔe ye ga ndɔe 'e.

²³ Tɔe upu nɔe Tito, ɔeshe kɔedɔe yanga mɔe á 'a na tɔe awa bale dɔe she ɓa ndɔe 'e, ɔeshe ndje kɔedɔe uzu á 'a sɔe lɔe ama akwa bale dɔe she. Kashe tɔe udu aaya azɔe bisha asɔeke, azu Ikrizia dá vwa endje fɔe 'e yé endje sɔe kɔembɔerɔe akwa mbɔerɔe mokɔ nɔe Kristu.

24 'E ma fœ endje adœke 'e yindœ endje tako mbœrœ á azu Ikrizia kœyindœ nœ yé á kœwusœ nœ adœke 'a sœ kœdu okoro 'a mbœrœ 'e.

9

O'o tœ upu nœ kœti kane ayindœ Ndjaba

1 Adja ádá adœke mœ su mbeti fœ 'e tœ upu nœ kœti kane ayindœ Ndjaba á lœ ongbo Yerusaleme gugu nene.

2 Gbambanœ nene, mœ wusœ ɔtshɔ gbetshelœ nœ 'e ye, yé mœ sœ kœdu okoro mœ tœ upu nœ 'e fœ azu ogo Masedwane adœke: «Azu Akayi gumatœ endje kœto œrœ dœ ngbugu á ro lima utshunœ asœke.» Egerœ ogo kœmbœrœ akwa dœ ɔtshɔ lœsu nœ 'e ndjingivwi azu Ikrizia ndjoro.

3 Mœ vwa anga aaya azœ fœ 'e mbœrœ adœke kœdu okoro mœ mbœrœ 'e tœ upunœ asœmœ kœsœsœ gbambanœ nene. Mœ yindœ nœ adœke 'e kotœ 'e ga lœ vola á mœ pa lima ndœ nœ.

4 Gbambanœ nene, œdœ 'a kœna á zœ awa bale dœ azu ogo Masedwane yé á kœgbɔ 'e á 'e kœgugumatœ 'e nene, 'a gbɔ tshula mbœrœ á 'a ko adja lœsu 'a ga pa 'e. Yé atamœ, tshulanœ œdœ ndje œnœ 'e.

5 Mbœrœ tœnœ ataa, mœ gbe dœ ɔtshɔnœ adœke mœ vwa aaya azœ asœke utshunœ á ndœ 'e mbœrœ kœngbɔá œrœ á 'e pa lima tœnœ. Ataa œ kœsœ zœ á mœ yikumu mœ ga zœ, œ ma adœke 'e to dœ lœsu 'e bale kashe œ dœdœ dœ lœsu bisha nene.

6 'E gbe dœ o'o asœke kane: uzu á tshe lu ngwarœ teasho, tshe kɔ ndje teasho, yé tsheneke á tshe lu ndjoro, tshe kɔ ndje ndjoro.

⁷ Æ li adœke uzu dœ uzu to ðata á lœsu ye yindœ nœ, kashe dœ oyo tœ lœsu ye too adœke uzu kakapa ye nene. Gbambanœ nene, Ndjaba yindœ uzu á tshe sœ koeto œrœ dœ yanga.

⁸ Yé Ndjaba li tœ kœgi tshelœ aka anga œrœ kœ ga mangbanœ fœ 'e mbœrœ adœke 'e sœ kolœ dœ œrœ á li, yé ga panœ dœmœ 'e sœ dœ œrœ yeka á kœsœ koeto ndœ ɔtshɔ akwa kœ.

⁹ Bata á endje sú ða la Buku nœ Ndjaba adœke: «Tshe kurutshelœ œrœ, œ to fœ aayi oyo, yé mara kœmbœrœ œrœ nœ ye ndjii sœpe waa dœ waa.»

¹⁰ Ndjaba á tshe sœ koeto indji ngwarœ fœ aayi kœlu ngwarœ œdœ kœziœ, tshe to bala indji ngwarœ kœ á 'e gbe dœ tœnœ fœ 'e. Tshe mbœrœ adœke 'e mbœrœ œrœ á sœ ndjii waa dœ waa.

¹¹ Tshe fa 'e tœ aayi kœgbœrœ dœ mara kœ œdœ dœ ada ɔlɔ kœ mbœrœ adœke á 'e kœkakatœ koeto œrœ fœ anga 'e nene. Ataa, azu ndjoro œ gi mershe fœ Ndjaba tœ upu nœ 'e mbœrœ œrœ á 'e sœ koeto fœ endje lœ awa nœ 'a.

¹² Gbambanœ nene, akwa á 'e sœ kœmbœrœ tœnœ sœsœ kolœnœ adœke ayindœ Ndjaba gbœ œrœ á endje gbe dœ tœnœ nene, kashe œ sœ ndje kœmbœrœ adœke azu ndjoro gi mershe fœ Ndjaba mbœrœ tœnœ.

¹³ Azu ndjoro á endje wu adœke akwanœ asœke sœ dœ ádá waa, endje donga bala Ndjaba mbœrœ mara kœmbœrœtœ 'e lindœ ɔtshɔ O'o nœ Kristu ascœmœ. Endje donga ndje Ndjaba mbœrœ mara á 'e kurutshelœ œrœ nœ 'e tœ endje œdœ tœ anga azu kœ.

¹⁴ Endje za bala avwala mbœrœ 'e dœ kœma kœyindœsho nœ endje ga ndœ 'e mangba ɔtshɔ lœsu

á ropa noe, á Ndjaba za foe 'e.

¹⁵ Kaka adoeke a gi mershe foe Ndjaba mbœeroe koetoro noe ye á ropa œeroe kɔ.

10

Kœgi o'o noe Polo tœ upu noe kœtɔ meza pa akwa noe ye

¹ Œmœ Polo, mœ sœ kœpa foe 'e dœ tœ mœ dœ ɔmɔ lɔsu œdœ dœ ɔtshɔ lɔsu noe Kristu adoeke, anga azu sœ kœpa adoeke œdœ mœ kœsœ ugurutoe 'e, mœ sœ kœzatœ mœ ga ati ga ndœ 'e, yé œdœ mœ kœgugu ugurutoe 'e nene, mœ gbɔɔgbɔ ga ndœ 'e.

² Mœ sœ kœki foe 'e adoeke 'e kakapa mœ adoeke mœ mbœeroe œeroe dœ ɔgbɔ, lɔkɔ á mœ kœna ɔa ndœ 'e nene. Gbambance nene, mœ gbe kœyisœ gbɔgbɔ noe mœ foe azu á endje sœ kœpa adoeke 'a sœ kœmbœeroe akwa tœ mara noe azu noe tshapashɔ.

³ Œ sœ adjapu adoeke a'a kœdœ azu tshapashɔ, kashe 'a sœsœ kœnga koshe dœ mara noe adja azu tshapashɔ nene.

⁴ Lœ kœnga koshe noe 'a, œeroe kœnga dœ koshe noe 'a toto ɔa ndœ azu nene, kashe gbɔgbɔnœ to ɔa ndœ Ndjaba mbœeroe kœndi tshelœ gbɔgbɔ noe ayingba. 'A sœ kœndi tshelœ gbetshelœ noe egerœ kumu

⁵ œdœ gbɔgbɔ kɔ á sœ kœza egerœ kumu adoeke azu kœwuwusœ Ndjaba nene. 'A sœ kœmbœeroe adoeke endje fa gbetshelœ noe endje kɔ mbœeroe adoeke endje mbœeroetœ endje lindœ Kristu.

⁶ Yé lɔkɔ á 'e kœsœ kœmbœeroetœ 'e dœ ɔtshɔnœ, 'a kpalatœ 'a nene kœza djofele foe endjeneke á endje sœsœ kœmbœeroetœ endje dœ awanœ nene.

⁷ 'E sœ kœwu kolœ tshapa œrœ. Œdœ anga uzu kœgbe adœke œne kœdœ uzu nœ Kristu, tshe gbetshelœ ye tœ œrœ asœke kane: azœ kœdœ azu nœ Kristu awa bale dœ she ndje.

⁸ Ataa œdœ mœ kœdu okoro mœ tœ tshagbozu á Gbozu Yisu za lima fœ mœ, mœ sœ dœ tshula mbœrœ toœnœ nene. Tshe za lima fœ mœ mbœrœ kœguma 'e, kashe œ dœdœ mbœrœ adœke œ ndi 'e nene.

⁹ Mœ yiyindœ nœ adœke mbeti nœ mœ á mœ su za awa fœ 'e nene.

¹⁰ Gbambanœ nene, anga azu sœ kœpa adœke: «Mbeti nœ Polo lili dœ pe gbœgbœ, kashe lœkœ á tshe kœsœ ugurutœ azœ, tshe mœmœ yé mara kœpa o'o ye lili nene.»

¹¹ Œ li adœke uzu á tshe pa mara o'o ataa wusœ nœ dœ œtshœnœ adœke, mara á 'a su dœ mbeti nœ 'a lœ ingirinœ, tshetœ maranœ asœmœ dá 'a mbœrœ dœ toœnœ œdœ 'a kœsœ ba ugurutœ 'e.

¹² 'A yiyindœ kœzatœ 'a awa bale too kœzatœ 'a bœta anga azu á endje sœ kœdonga tœ endje dœ tœ endje asœmœ nene. Gbambanœ nene, endje kœdœ agbakindi azu. Endje sœ kœwutœ endje dœ tœ endje. Endje sœ kœzatœ endje bœta kœegerœ œrœ.

¹³ Tœ 'a'a nœ 'a, 'a sœ dœ egerœ kumu adœke 'a rosœ mapaka kœ nene, kashe 'a mbœrœ akwa kolœ kpœtœ ama osho neke á Ndjaba to fœ 'a, yé á yindœ nœ adœke 'a wuta œerrr bœ ndœ 'e.

¹⁴ Gbambanœ nene, 'a'a dá dœ adja azu utshunœ á 'a na dœ Œtshœ O'o nœ Kristu fœ 'e. 'A roropa mapaka nœ akwa nœ 'a nene ataa œdœ 'a kœroro má ga ndœ 'e nene.

¹⁵ Dœ toœnœ ataa, 'a sœsœ kœdu okoro 'a

køeropancœ mbœercœ akwa nœ anga angbi azu nene, kashe 'a wusœ nœ adœke kœyindœercœ nœ 'e œ gerœ yé 'a kpa mbœercœ adœke œ sœ kolœ kœgerœ tœncœ lindœ mapaka nœ 'a.

¹⁶ Manda nœ, 'a na kœyisœ ɔtshɔ O'o ɓa lœ anga angbi ogo djagakele 'e. Ataa, 'a du okoro 'a mbœercœ akwa nœ anga angbi azu á endje mbœercœ ɓa tœ osho akwa nœ endje nene.

¹⁷ Andaa, endje sú ɓa la buku nœ Ndjaba adœke: «Ædœ uzu kœyindœ kœdu okoro ye, tshe du okoro ye tœ œneke á Gbozu mbœercœ.»

¹⁸ Gbambancœ nene, endje dodonga uzu á tshe sœ kœzatœ ye mbœercœ gbetshelœ nœ ye dœ tœ ye bale nene, kashe endje donga tsheneke á Gbozu sœ kœma o'o tœ upu nœ ye.

11

Polo œdœ aayi avwa nœ wala

¹ Mœ yindœ nœ adœke 'e ru lœsu 'e tœ o'o mœ á sœ ɓata œncœ ayi iyi. Adja 'e ru lœsu 'e tœ mœ.

² Mœ sœ dœ úkú tœ upu nœ 'e waa, yé úkúnœ asœmœ to ɓa ndœ Ndjaba. Gbambancœ nene, mœ pandœ kœko 'e fœ anga yakoshe bale adœke 'e i she, yakoshencœ kœdœ Kristu. Yé mœ gbe ndœ kœma 'e fœ she ɓata akpɔ yawuru á tshe wuwu damba sœ yakoshe nene.

³ Kashe mœ sœ dœ awa adœke, ɓata á yakoro fara lima Eva dœ ekpe ɔtshɔ ye, mœ sœ kœgbe adœke anga uzu fafara ndje kœwuscœrcœ nœ 'e yé œ gi 'e zara tœ mara á 'e zatœ 'e yé á sœ yerœ ga ndœ Kristu nene.

⁴ Gbambanœ nene, mœ wu adœke œdœ anga uzu kœna kœmindœ anga angbi Yisu á 'a mimindœ ye fœ 'e nene, 'e sœ kolœ kœdji she; 'e sœ kœyindœ ishiri á sœ kpi tœ ðshiri neke á 'e gbœ lima; 'e sœ ndje kœyindœ Ðtshœ O'o á sœ kpi tœ œeneke á 'a yi lima sœ nœ fœ 'e.

⁵ Azu á 'e sœ kœwu endje ðata agboro aayi avwa nœ 'e ascœmœ, roropa mœ nene.

⁶ Ataa mœ wuwusœ kœpa o'o dœ Ðtshœnœ nene gbaa, kashe œ doédœ tœ upu nœ kœwusœrœ nene. 'A yi lima sœ nœ fœ 'e para œdœ dœ mara kœ.

⁷ Lœkœ á mœ yisœ Ðtshœ O'o nœ Ndjaba fœ 'e, mœ yi lima sœ nœ gbambanœ. Mœ za lima tœ mœ ga ati mbœrœ kœti 'e ga lafo. Ataa, œrœnœ á mœ mbœrœ ascœmœ kœdœ ekperœ a?

⁸ Azu tshelœ anga angbi Ikrizia dá to lima œrœ fœ mœ, yé œ ma lima tœ ye adœke mœ sœ kœshe mbœrœ endje mbœrœ kœmbœrœ akwa fœ 'e.

⁹ Yé dœ lœndœ á mœ sœ lima ða ndœ 'e, ataa mœ sœ lima dœ ogo œrœ gbaa, mœ yœyœndœ œrœ tshaabrœ uzu bale nene. Gbambanœ nene, aaya azœ á endje to ða lœ Masedwane dá na lima dœ œrœ á mœ gbe lima dœ tœnœ fœ mœ. Mœ gbœndœtœ mœ lima mbœrœ kœdœdœ egerœ kongba pa 'e nene, yé mœ gbœndœtœ mœ kolœ atamœ waa dœ waa.

¹⁰ Lœ awa nœ adja o'o nœ Kristu á sœ lœ mœ, mœ sœ kœpa tœnœ ngbi adœke: uzu bale ða lœ ogo Akayi œ li kœkœ mœ tœ upu nœ kœdongatœshœnœ ascœmœ nene.

¹¹ Mbœrœ gadœ á mœ pa o'onœ ascœmœ a? (E sœ kœma adœke mœ yiyindœ 'e nene a? Ndjaba wusœ nœ dœ adœke mœ yindœ 'e ye!

¹² Mœ sœpe kolœ koembœrœ ßata á mœ mbœrœ ngõngõ nœ asœke mbœrœ á kœgi ekpe gbetshelœ lœ azu á endje sœ kœdu okoro endje ßata endje liili dœ 'a.

¹³ Azunœ asœmœ kœdœ aayi avwa nœ wala, endje sœ kœfatœ endje adœke œne kœdœ aayi avwa nœ Kristu.

¹⁴ Anga œrœ bale kœkatœ ama osho ti ɔsõ ndœnœ gugũ kpœtœmœ nene, Satana dœ tœ ye sœ kœfatœ ye tœ andjelu nœ ɔlõ.

¹⁵ Ataa œdœ aayi akwa nœ ye kœsœ kœfatœ endje adœke œne kœdœ aayi akwa á œne sœ nd-jii, œ dœdœ upu kœkitœ œsœnœ nene. Ba tœ ndõngõlõnœ, endje gbõ kolœ œrœ neke á liili dœ akwa nœ endje.

Polo shi gbi lœ kœwu oyo

¹⁶ Mœ kpa sœ kœpa o'onœ asœmœ adœke: uzu bale zaza mœ ßata ayi iyi nene. Kashe œdœ 'e kœgbe adœke mœ sœ dœ iyi, 'e yindœ nœ adœke mœ sœ dœ tœnœ mbœrœ adœke mœ donga tœ mœ ndje teasho.

¹⁷ Adjapu, œneke á mœ sœ kœpa tœnœ ngõngõ asœke, mœ sœsœ kœpa ßata á Gbozu yindœ nœ nene, kashe mœ sœ kœpa ßata mœ sœ dœ iyi lœ kœza lœsu mœ ga pa œneke á mœ sœ kœdongatœ mœ tœnœ.

¹⁸ Bata á azu ndjoro sœ kœdonga tœ endje tœ œrœ nœ endje œnœ tshapashõ, œmœ ndje mœ donga ndje bala tœ mœ.

¹⁹ E'e dœ azu á 'e sœ dœ kœwusœtœ, 'e yindœ nœ dœ tœ 'e kœru lœsu 'e tœ aayi iyi.

²⁰ 'E sœ kœru lœsu 'e adœke endje mbœrœ œrœ ßata akanga fœ 'e, endje gbõtœ œrœ nœ 'e, endje

fara 'e, endje wu 'e gbambanœ tœ ala endje yé œ da ala 'e.

²¹ Mœ sœ dœ tshula kœpa adœke a'a kœdœ azu á 'a mœmœ.

Andaa, o'o á endje sœ kœpa tœnœ, mœ sœ kœpa b̄ata ayi iyi: œmœ ndje, mœ lii kœpa tœnœ.

²² Endje sœ kœdonga tœ endje adœke œne kœdœ Aebre, œmœ ndje kœdœ Ebre! Endje kœdœ azu ogo Israyele, œmœ ndje kœdœ uzu ogo Israyele! Endje kœdœ aata Abrayamo, œmœ ndje kœdœ atanœ.

²³ Endje kœdœ aayi akwa nœ Kristu, œmœ ndje, mœ mbœrœ akwa nœ ye kœropa endje. Mœ sœ kœpa o'o b̄ata mœ sœ dœ iyi. Mœ m̄o lima lœ akwa kœrosœ endje, endje za mœ ga lœ k̄anga kœropa endje, endje 6i mœ kœrosœ endje, mœ li lima ga lœ kuzu awa ndjoro kœrosœ endje.

²⁴ Ayuda s̄o mœ dœ ndjapa zazu bale dœ nd-jokpa dœ mindu dœ amancœ vana. Endje s̄o mœ ataa awa mindu.

²⁵ Azu ogo Roma s̄o mœ dœ ndjapa awa vot̄o yé œ ve mœ dœ badja awa bale. Mœ nduru dœ agba awa vot̄o yé œ mbœrœ olo bale dœ butsh̄o bale la ungu.

²⁶ Lœ ana nœ mœ ndjoro á mœ na dœ ada mœ, œgb̄o œrœ á wuta ga tœ mœ to 6a tœ ungu á sœ koetu ga lœ agba too 6a ndœ aayi angba; œgb̄o œrœ á to 6a ndœ anga mœ dœ Ayuda too 6a ndœ angbi azu; œgb̄o œrœ á wuta ga tœ mœ 6a lœ ongbo too 6a lœ kpagagasho, œ wuta ga tœ mœ 6a la ungu ingb̄iri œdœ 6a ugurutœ ekpe azu á endje pa adœke œne kœdœ azu nœ Kristu.

²⁷ Mœ m̄o dœ akwa yé œ wu oyo waa. Kpala kpala, mœ lolo olo nene; mœ sœ kœsœ dœ ogo

kœzĩrœ œdœ pe dœ ogo ungu yé œ sœ kœmbœrœ
lima adœke mœ sœ kœyotsheloema mœ kpala
kpala. Mœ wu oyo dœ izi œdœ tœ upu nœ lœba
waa.

²⁸ Tœ kœdi udu œrœnœ kœ nene, œlœ dœ œlœ mœ
sœ kœgbe dœ lkrizia para kœkœ.

²⁹ Œdœ anga uzu nœ Kristu kœmœ, ngbewo mœ
mœ ndje ye. Œdœ anga kœtitœ ye tœ kœyindœrœ,
ngbewo lœsu mœ sœ kœka mœ.

³⁰ Œ kœsœ adœke mœ donga tœ mœ, mœ donga
tœ mœ tœ kœmœ nœ mœ.

³¹ Ndjaba, Aba Gbozu nœ azœ dœ Yisu á endje
sœ kœdonga she waa dœ waa, wusœ nœ adœke
mœ sœsœ kœpa wala nene.

³² Lœkœ á mœ sœ lima 6a lœ Damaseke, gbozu á
tshe sœ kœmbœrœ akwa nœ gbozugo Aretase, ko
azu 6a tœ manda ongbo mbœrœ á endje kœza mœ.

³³ Kashe endje za mœ ga lœ kingi yé œ yi mœ
ga ati 6a ushu lœ anga ogoro bale á sœ lœ egerœ
muru nœ ongbonœ, yé á mœ kpa.

12

Gbozu yisœ œrœ lœ ulu fœ Polo

¹ Œ li adœke mœ donga tœ mœ ataa œ gugu dœ
ádá nene gbaa. Kashe ngœngœnœ asœke mœ yindœ
kœpa o'o tœ upu nœ kœwu œrœ lœ ulu œdœ tœ
upu nœ kœma œrœ á Gbozu yisœ nœ fœ mœ.

² Manda ungu ndjokpa dœ vana, mœ wusœ
anga uzu nœ Kristu bale á Ndjaba ti she œerrr 6a
lafo 6a ndœ ye. Œdœ undu ye dá œ adja lima ga lafo
too œdœ ulu dá mœ lu, mœ wuwusœ nœ nene,
kashe kolœ Ndjaba kuti ye dá wusœ nœ.

3-4 Adjapu, mœ wusœ nœ adœke Ndjaba ti uzunœ ascœmœ œrrr 6a lœ paradizo. (Ædœ undu ye dá ɔ adja ga lafo too œdœ ulu dá mœ lu, mœ wuwusœ nœ nene, kashe kolœ Ndjaba kuti ye dá wusœ nœ). Ba zœ, tshe dji o'o á azu lili kœpa tœnœ nene yé endje zaza ndje awa fœ uzu bale 6a pa ɔshɔ kpa kœpa tœnœ nene.

5 Mœ donga bala tœ mœ tœ upu nœ uzunœ ascœmœ ye, kashe tœ œmœ nœ mœ, mœ donga bala kolœ tœ mœ tœ kœmɔ nœ mœ.

6 Ædœ mœ kœyi má ndœ kœdonga tœ mœ, mœ sœ má dœ iyi nene, mbœrœ mœ pa má adja o'o. Kashe mœ sœ kœkpawa kœdonga tœ mœ. Gbam-bancœ nene, mœ yiyindœ nœ adœke endje gbɔ gbetshelœ neke á ropa œrœ á endje sœ kœwu mœ kœmbœrœ tœnœ too œneke á endje sœ kœdji 6a ndœ mœ nene.

7 Yé mbœrœ kœmarœncœ ascœmœ á ro lima pancœ ye, kparawa adœke mœ dodonga tœ mœ nene, Satana za kɔ6a ga lœ ɔkɔ mœ lœ awa nœ andjelu nœ ye á tshe sœ kœ6i mœ kparawa adœke mœ dodonga tœ mœ nene.

8 Tœ upunœ asœke, mœ za avwala fœ Gbozu awa votɔ adœke tshe gi kɔ6ancœ lœ ɔkɔ mœ ye.

9 Tshe gi fœ mœ adœke: «Ɔtshɔ lœsu nœ mœ ga ndœ zœ li dœ 6œ ye. Gbɔgbɔ nœ mœ œ matœ ye œdœ 6œ kœmɔmɔ.» Mœ gbe kœdonga tœ mœ tœ kœmɔ nœ mœ mbœrœ adœke gbɔgbɔ nœ Kristu kœsœ ga pa mœ.

10 Mbœrœ tœncœ ataa dá mœ sœ dœ yanga lœ kœmɔ, lœ kœgu osho, lœ œrœ neke á mœ yiyi má kœmbœrœ tœnœ nene, lœ œrœ kanga œdœ lœ œneke á sœ kœza lœsu mœ ga lafo tœ upu nœ Kristu.

Gbambanœ nene, lɔndɔ á mœ kœsœ dœ kœmɔ, dœ lɔndɔnœ asœmœ dá mœ sœ kœsœ dœ gbɔgbɔ.

Lɔsu Polo sœ ga lafo tœ upu nœ azu Koriti

¹¹ Mœ sœ kœpa o'o ɓata mœ sœ dœ iyi, kashe e'e dá shosho mœ ndœ nœ. E'e dá pa má o'o tshapa mœ. Gbambanœ nene, ataa mœ sœ gbambanœ gbaa, agboro aayi avwanœ asœmœ, roropa mœ nene.

¹² Yé dœ lɔkɔ á mœ sœ lima ɓa ndœ 'e, mœ mbœrœ lima akwa dœ ugu lɔsu, yé Ndjaba mbœrœ ambárá afá dœ afá œdœ pe akwa nœ gbɔgbɔ ndjoro lœ awa nœ mœ. Ambáránœ asœmœ ngbangbangba sœ kœma adœke œmœ kœdœ adja ayi avwa.

¹³ Œrœ gádœ dá mœ ko fœ anga angbi Ikriزيا yé á tshaapu kœko tœnœ fœ 'e a? Mbœrœ á mœ yɔyɔndœ œrœ ɓa ndœ 'e nene a? 'E wu oyo mœ tœ mara á mœ sœsœ ndjii nene asœmœ.

¹⁴ Mœ ndo kœna votɔ ana gene nœ mœ ga ndœ 'e ye, yé mœ yɔndœ œrœ tshaabrœ 'e nene. E'e dá mœ sœ kœpara 'e, kashe œ dœdœ œrœ nœ 'e nene. Gbambanœ nene, œ dœdœ agbolo dá ngbɔɓa œrœ fœ agbozu nœ endje nene, kashe agbozu dá ngbɔɓa fœ agbolo nœ endje.

¹⁵ Tœ œmœ nœ mœ, mœ sœ dœ yanga kœendi œneke kɔ á mœ sœ dœ tœnœ œdœ kœzatœ mœ djigi fœ 'e. Œdœ mœ kœyindœ 'e tɔpanœ kpuru ataa, 'e yindœ mœ kœrosœ nœ nene a?

¹⁶ Adja 'e wusœ nœ adœke mœ yɔyɔ lima ndœ œrœ tshaabrœ 'e nene. Kashe anga endje ugu-rutœ 'e pa adœke mœ na dœ afara mbœrœ kœko œrœ tshaabrœ 'e.

17 'E za tsheneke á 'e gbe kœza she ugurutoe azu á mœ vwa endje fœ 'e: mœ ko œrœ tshaabrœ 'e lœ awa nœ anga bale ugurutoe endje a?

18 Mœ shosho Tito adœke tshe na ga ndœ 'e, mœ vwa she awa bale dœ aya azœ á 'e wusœ ye. Tito ko œrœ tshaabrœ 'e a? A'a dœ she, 'a mboembœrœ lima œrœ dœ she dœ gbetshelœ bale nene a? 'A sœsœ ndje lima kœza awa tshebabale nene a?

19 Katshatsha 'e sœ kœgbe adœke 'a sœ kœpara awa kœpa ngbanga 6a utshu 'e a? Œ! 'A sœ kœpa o'o lœ awa nœ Kristu 6a utshu Ndjaba. Yé e'e dœ aaya 'a á 'a yindœ 'e waa, 'a sœ kœpa o'onœ ascœmœ fœ 'e ataa mboerœ á kœgi 'e lœ kœyindœrœ ga utshunœ.

20 Mœ sœ dœ awa adœke dœ lœkœ á mœ kœwuta ga ndœ 'e, 'e mboerœtœ 'e kpi tœ œneke á mœ yindœ nœ yé œ gbœ ndje mœ kpi tœ œneke á 'e gbe dœ tœnœ. Mœ sœ dœ awa adœke mœ gbœ œbœrœ œdœ úkú, ókó œdœ kœsœ dœ gbetshelœ kpi, kœpa ekpe o'o œdœ kœdondœrœ, kœtshapu kœlisœ uzu œdœ pe djingili.

21 Mœ sœ dœ awa adœke mœ kpa kœna ga ndœ 'e, Ndjaba nœ mœ zaza tshula ga tœ ala mœ 6a utshu 'e nene, yé á mœ kœkiki nene mboerœ azu ndjoro á endje mboerœ lima ekperœ utshunœ yé á tshaapu kœfatshalœsu endje tœ œrœ uburu nœ endje, tœ ekpe œtshœ endje œdœ tœ angba budu nœ endje.

13

Ndangolœ kœmi upu nœ Polo

¹ Awa votɔ kœna mœ ga ndœ 'e doeke. (E)doe atimu bisha too votɔ kœpa o'o ama endje bale, endje wa o'o ye.

² Mœ sœ dœ o'o bale kœpa fœ azu á endje mbœrœ ekperœ œdœ fœ udu azu kɔ. Mœ pa lima o'onœ lœ bisha ana nœ mœ ga ndœ 'e ye, kashe mœ kpa sœ kœpa tœnœ ngɔngɔ asœke ɓata á mœ gugu nene; mœ kpa kœkwatœ mœ manda nœ kœwu 'e, mœ sœ dœ lœsu nœ kœwu oyo uzu bale nene.

³ 'E sœ kœyindœ nœ adœke mœ ma adœke Kristu sœ kœpa o'o lœ awa nœ mœ. Kristu mama kœmɔ ga ndœ 'e nene, kashe tshe sœ kœma gbɔgbɔ nœ ye ɓa ugurutœ 'e.

⁴ Adjapu, tshe sœ lima dœ kœmɔ lɔkɔ á endje kuru she ga pa kurushi, kashe ngɔngɔnœ asœke tshe sœ dœ soro lœ awa nœ gbɔgbɔ nœ Ndjaba. A'a ndje, 'a sœ dœ kœmɔ mbœrœ á 'a ngbɔtœ 'a bale dœ she. Kashe 'a sœ kœyisœ nœ fœ 'e adœke 'a sœ bala dœ soro dœ she lœ awa nœ gbɔgbɔ nœ Ndjaba.

⁵ 'E tondœtœ 'e dœ tœ 'e, 'e ma œdœ 'e kœsœ dœ kœyindœrœ. 'E wuwusœ nœ adœke Yisu Kristu sœ ugurutœ 'e nene a? 'E wu lœsu 'e dœ tœ 'e. Too 'e kœma ete adœke 'e te yekane.

⁶ Mœ gbe adœke 'e wu bala sœ nœ adœke 'a mbœrœ œnœ 'a œœnœ ye.

⁷ 'A sœ kœza avwala fœ Ndjaba adœke 'e mbœmbœrœ ekperœ bale nene. 'A gbege kœguma o'onœ ɓa utshu 'e nene, kashe 'a gbe adœke 'e mbœrœ ɔtshœrœ ataa á kœmatœ endje adœke 'a te.

⁸ Gbambanœ nene, 'a lili kœmbœrœ œrœ neke á

sœ kpi tœ adja o'o nene, 'a mbœrœ kolœ œeneke á dœ adja o'o.

⁹ 'A sœ kœsœ dœ yanga lœkœ kœ á 'a kœmœ, yé á 'e sœ dœ gbœgbœ. Ádá kœza avwa nœ 'a kœdœ adœke 'e wuta azu á endje li.

¹⁰ Mbœrœ tœnœ ataa dá mœ su mbetincœ asœ fœ 'e lœ ingirincœ adœke: œ sœsœ mbœrœ adœke mœ kœsœ ugurutœ 'e, mœ wa o'o dœ œgbœ ga tœ 'e lindœ tshagbozu á Gbozu za fœ mœ nene. Tshagbozunœ asœmœ sœ mbœrœ kœgi kœyindœrœ nœ 'e ga utshunœ, kashe œ dœdœ mbœrœ kœendi tœnœ nene.

¹¹ Yé ngœngœ asœke alaya, 'e sœ dœ yanga, 'e mbœrœ akwa adœke œ gi 'e ga utshunœ, 'e to gbœgbœ lœ tœ 'e, 'e djitœ 'e dœ œtshœnœ, 'e sœ gee, yé Ndjaba nœ kœyindœsho œdœ œnœ kœsœ gee, œ sœ dœ 'e awa bale.

¹² 'E za œyerœ abala nœ ayazu ugurutœ 'e. Ayerœ azu nœ Ndjaba para bala 'e.

¹³ Kaka adœke œtshœ lœsu nœ Gbozu Yisu Kristu, dœ kœyindœsho nœ Ndjaba œdœ pe Ōtshœ Ishiri á ngbœtœ ye dœ endje bale ga tœnœ, sœ dœ 'e para kœkœ.

Mono
Mono New Testament

copyright © 2020 Wycliffe Bible Translators, Inc. and ACOTBA-SUBO

Language: Mono

Contributor: Association Congolaise Pour la Traduction de la Bible et
Alphabetisation - Sukisa Boyinga

All rights reserved.

2025-05-14

PDF generated using Haiola and XeLaTeX on 14 May 2025 from source files
dated 14 May 2025

fe1a9e91-0d4a-5969-816d-e467ff6cc983